

შპს „კეონი აკადემიის“ პერსონალისა და პროფესიულ სტუდენტთა ხანძარსაწინააღმდეგო უსაფრთხოების, წესრიგის დაცვისა და სამედიცინო დახმარების აღმოჩენის წესი

მუხლი 1. ზოგადი დებულებები

- 1.1. წინამდებარე წესი აწესრიგებს შპს „კეონი აკადემიაში“ (შემდგომში - აკადემია) პერსონალისა და პროფესიულ სტუდენტთა ხანძარსაწინააღმდეგო უსაფრთხოების, სამედიცინო დახმარების აღმოჩენისა და წესრიგის დაცვას;
- 1.2. აკადემიის ტერიტორიაზე მყოფი აკადემიის პერსონალისა და პროფესიული სტუდენტების უსაფრთხოებისა და ჯანმრთელობის დაცვის მიზნით, აკადემია უზრუნველყოფს სასწავლო ფართის ხანძარსაწინააღმდეგო უსაფრთხოების, წესრიგის დაცვისა და უსაფრთხოების, ასევე პირველადი სამედიცინო დახმარების აღმოჩენის უზრუნველყოფას.

მუხლი 2. ხანძარსაწინააღმდეგო უსაფრთხოების უზრუნველყოფის წესი

- 2.1. ხანძარსაწინააღმდეგო უსაფრთხოების უზრუნველყოფის მიზნით, აკადემიის დირექტორი ნიშნავს სახანძრო უსაფრთხოებაზე პასუხისმგებელ პირს (დაცვისა და უსაფრთხოების სპეციალისტს), რომელიც უზრუნველყოფს:
 - 2.1.1. სასწავლო პროცესის დაწყებამდე ობიექტის მზადყოფნის შემოწმებას სახანძრო უსაფრთხოებისათვის დადგენილი წესებისა და მოთხოვნების ფარგლებში;
 - 2.1.2. აკადემიის პერსონალისათვის (სამსახურში მიღებისთანავე), ასევე, პროფესიულ სტუდენტებისათვის, ხანძარსაწინააღმდეგო ინსტრუქტაჟის ჩატარებას;
- 2.2. აკადემიის შენობაში, ყველასათვის ხელმისაწვდომ ადგილას, გამოკრულია ევაკუაციის გეგმა, რომლის შესაბამისად, საჭიროების შემთხვევაში, მოხდება შენობის უსაფრთხო დატოვება;
- 2.3. ხანძარსაწინააღმდეგო უსაფრთხოების უზრუნველყოფის მიზნით, აკადემიის დაწესებულებაში ხელმისაწვდომ ადგილზე განთავსებულია ხანძარსაწინააღმდეგო ინვენტარი, ცეცხლმაქრები, რომელიც მუდმივად მუშა მდგომარეობაშია. ინვენტარის განთავსების ადგილები აღნიშნულია სახანძრო უსაფრთხოების შესაბამისი ნიშნებით. სახანძრო უსაფრთხოებაზე პასუხისმგებელი პირი აკონტროლებს ცეცხლმაქრი მოწყობილობების ვარგისიანობის ვადებს;
- 2.4. აკადემიის სასწავლო ფართი აღჭურვილია ცენტრალიზებული დაკვამლიანების დეტექტორით, რომელიც იძლევა შესაბამის სიგნალს ხანძრის საფრთხესთან დაკავშირებით, რასაც მოყვება სახანძრო უსაფრთხოებაზე პასუხისმგებელი პირის სათანადო რეაგირება;
- 2.5. აკადემიის შენობის გათვალისწინებულია სამშენებლო ნორმებითა და წესებით დადგენილი სავაკუაციო გასასვლელი;
- 2.6. აკადემიის შენობა-ნაგებობებში აკრძალულია:
 - 2.6.1. სიგარეტის მოწევა;
 - 2.6.2. ცეცხლსაშიში და აალებადი ნივთიერების შეტანა, გამოყენება და შენახვა;
 - 2.6.3. გათბობა/კონდიციონერების სისტემის თვითნებურად ჩართვა/გამორთვა და რეგულირება ტემპერატურის შეცვლის მიზნით;
 - 2.6.4. ნებისმიერი სხვა პირი, რომელიც შეამჩნევს ხანძარს/ხანძრის კერას, ვალდებულია დაუყოვნებლივ ამოქმედოს შენობაში განთავსებული სახანძრო სიგნალიზაცია შესაბამის

- დილაკზე ხელის დაჭერით, ან/და აცნობოს ამის თაობაზე სახანძრო უსაფრთხოებაზე პასუხისმგებელ პირს ან გამოიძახოს საგანგებო სიტუაციების მართვის სააგენტო (112);
- 2.7. საგანგებო ვითარების დროს (დეტექტორის ჩართვის და საფრთხის არსებობის შემთხვევაში) საჭიროების შემთხვევაში, სახანძრო უსაფრთხოებაზე პასუხისმგებელი პირი უკავშირდება შესაბამის უწყებებს (112), ხოლო მათ მოსვლამდე მოქმედებს შემდეგი ევაკუაციის წესების შესაბამისად:
- 2.7.1. აცხადებს განგაშს, უმოკლეს ვადაში, საევაკუაციო გეგმის შესაბამისად, ახდენს შენობიდან პერსონალის, პროფესიულ სტუდენტთა და აკადემიის ტერიტორიაზე მყოფ სხვა პირთა ევაკუაციას;
- ხანძრის ან ხანძრის კერის არსებობისას, სახანძრო სამაშველო ბრიგადის მოსვლამდე, ცეცხლმაქრების გამოყენებით, ახდენს ცეცხლის კერების ლიკვიდაციას;
- 2.7.2. საგანგებო ვითარების დროს აკადემიის პროფესიული სტუდენტები პერსონალი, და აკადემიის ტერიტორიაზე მყოფი სხვა პირები ვალდებული არიან გაეცნონ ევაკუაციის მარშრუტს, რომელიც მითითებულია ევაკუაციის გეგმაში და დაემორჩილონ სახანძრო უსაფრთხოებაზე პასუხისმგებელი პირის მითითებებს;
- 2.7.3. ევაკუაციის პროცესის მონაწილეები ვალდებული არიან დაიცვან სიმშვიდე და სიწყნარე, რათა ყველამ გაიგონოს ევაკუაციის პროცესის ხელმძღვანელი პირის (საგანგებო სიტუაციების მართვის სააგენტოს თანამშრომლი/სახანძრო უსაფრთხოებაზე პასუხისმგებელი პირის) მითითებები;
- 2.7.4. ევაკუაციის პროცესში შეზღუდული შესაძლებლობების მქონე პირთან (პროფესიულ სტუდენტთან) უნდა იმყოფებოდეს აკადემიის პერსონალი, რომელიც დაეხმარება მას შენობის დატოვებაში;
- 2.7.5. შენობიდან გასულები აუცილებლად უნდა შეგროვდნენ შენობის მიმდებარე ეზოში, რათა დადგინდეს იმ პირთა ვინაობა, ვინც შენობაში დარჩა. მათ შესახებ უნდა ეცნობოს სახანძრო უსაფრთხოებაზე პასუხისმგებელ პირს, ან საგანგებო სიტუაციების მართვის სააგენტოს თანამშრომლებს;
- 2.7.6. შენობის დატოვების შემდეგ შენობაში დაბრუნება დაუშვებელია საგანგებო სიტუაციების მართვის სააგენტოს თანამშრომლის/სახანძრო უსაფრთხოებაზე პასუხისმგებელი პირის ნებართვის გარეშე;

მუხლი 3. წესრიგის დაცვისა და უსაფრთხოების უზრუნველყოფის წესი

- 3.1. აკადემიის მფლობელობაში არსებული სასწავლო ფართი აყვანილია ცენტრალიზებული დაცვის სისტემაზე. აკადემიის სასწავლო ფართის დაცვა ხორციელდება 24 საათის განმავლობაში, ვიდეო მეთვალყურეობით ან/და დაცვის სხვა ელექტრო სისტემების მეშვეობით.
- 3.2. დაცვისა და უსაფრთხოების სპეციალისტი ვალდებულია:
- 3.2.1. განახორციელოს დაცვის ტექნიკური საშუალებების ექსპლუატაცია და კონტროლი მათ გამართულ მუშაობაზე; დაუყოვნებლივ შეატყობინოს IT სპეციალისტს და აკადემიის დირექტორს დაცვის ტექნიკური საშუალების გაუმართავად მუშაობის შესახებ;
- 3.2.2. უსაფრთხოების დაცვის მიზნით, არ დაუშვას აკადემიის ტერიტორიაზე უცხო პირთა შესვლა;
- 3.2.3. აწარმოოს აკადემიის შესასვლელ-გამოსასვლელები. არ დაუშვას დაცვის ობიექტზე აშკარა ალკოჰოლური, ფსიქოტროპული და ნარკოტიკული ზემოქმედების ნიშნების მქონე და შეიარაღებულ პირთა შესვლა/ყოფნა;
- 3.2.4. აღკვეთოს აკადემიის ტერიტორიაზე ალკოჰოლური, ფსიქოტროპული და ნარკოტიკული საშუალებების მიღება, ასევე, თამბაქოს მოხმარება კანონმდებლობით აკრძალულ ადგილებში. აღნიშნული საშუალებების მოხმარებელ პირებს დაუყოვნებლივ დაატოვებინოს აკადემიის ტერიტორია;

- 3.2.5. მეთვალყურეობა გაუწიოს წესრიგის, ჰიგიენისა და უსაფრთხოების წესების დაცვას სასწავლო პროცესში და უზრუნველყოს იმ პირთა მიერ შენობის დატოვება, რომლებიც სასწავლო პროცესის მიმდინარეობას ხელს უშლიან;
- 3.2.6. წესრიგის დარღვევისას გამოიყენოს კანონმდებლობით დაშვებულ ყველა ღონისძიება წესრიგის დამრღვევის მიმართ, ხოლო სამართალდარღვევის აღმოჩენის შემთხვევაში, დაუყოვნებლივ მიმართოს დასახმარებლად შესაბამის სახელმწიფო ორგანოს;
- 3.2.7. უზრუნველყოფს აკადემიაში განთავსებული მატერიალური ფასეულობების (ქონების) დაცვა და მიიღოს ყველა აუცილებელი და შესაძლო ზომა მათი დაზიანების/განადგურების თავიდან ასაცილებლად;
- 3.2.8. შეზღუდული შესაძლებლობების მქონე პროფესულ სტუდენტებს, საჭიროების შემთხვევაში, აღმოუჩინოს დახმარება, რათა უზრუნველყოფილ იქნას აკადემიის ტერიტორიაზე მათი შეუფერხებელი და კომფორტული გადაადგილება.

მუხლი 4. სამედიცინო დახმარების აღმოჩენის წესი

- 4.1. აკადემიაში არსებობს პირველადი გადაუდებელი დახმარების აღმოჩენის პუნქტი, რომელიც უზრუნველყოფილია პირველადი გადაუდებელი დახმარების აღმოსაჩენად აუცილებელი აღჭურვილობითა და მედიკამენტებით;
- 4.2. აკადემია უზრუნველყოფს სამედიცინო პუნქტის პერიოდულ მომარაგებას პირველადი დახმარებისთვის საჭირო მედიკამენტებით, სამედიცინო დანიშნულების ინვენტარითა და პირადი ჰიგიენის ნივთებით, ისე, რომ აკადემიაში არსებობდეს მათი მუდმივი მარაგი;
- 4.3. პირველად გადაუდებელ დახმარებას, აუცილებლობის შემთხვევაში, ახორციელებს შპს „Beauty Life“-ის (იჯარის ხელშეკრულების შესაბამისად) მიერ გამოყოფილი შესაბამისი პასუხისმგებელი პირი, რომლის კვალიფიკაცია დასტურდება სათანადო დოკუმენტაციით;
- 4.4. პირველადი გადაუდებელი დახმარების აღმოჩენის საჭიროებისას, რომელიც სცილდება ექთნის/ექიმის ადგილზე შესაძლებლობის ფარგლებს, პასუხისმგებელი პირის მიერ გამოძახებული იქნება სასწრაფო სამედიცინო დახმარება და გატარდება შესაბამისი ზომები.
- 4.5. პასუხისმგებელი პირი ვალდებულია:
 - 4.5.1. უზრუნველყოს და აკონტროლოს სამედიცინო ინვენტარის ვარგისიანობა, მათი ხარისხი, შენახვა და გაცემა;
 - 4.5.2. საჭიროების შემთხვევაში უზრუნველყოს/დახმარება გაუწიოს შშმ და სსსმ პირებს (პროფესიულ სტუდენტს, აკადემიის თანამშრომელს)
 - 4.5.3. პაციენტის გასინჯვის პროცესში დაიცვას სანიტარულ-ჰიგიენური ნორმები;

მუხლი 5. დასკვნითი დებულებები

- 5.1. წინამდებარე წესი მტკიცდება აკადემიის დირექტორის ბრძანებით;
- 5.2. ამ წესის გაუქმება, მასში ცვლილებებისა და დამატებების შეტანა ხორციელდება აკადემიის დირექტორის ბრძანებით;